

Asunto: CONCURSO CONVOCADO PARA O OUTORGAMENTO DA AUTORIZACIÓN ADMINISTRATIVA NECESARIA PARA A ORGANIZACIÓN, XESTIÓN E EXPLOTACIÓN DA FEIRA DE ARTESANÍA DA VILA DE PORTONOVO DURANTE A TEMPADA DE VERÁN 2023 ASI COMO DE POSIBLES PRORROGAS (3). ADXUDICACIÓN.

RESOLUCIÓN DE ADXUDICACIÓN

Vista a aprobación por unanimidade na sesión do consello de administración de Turismo de Sanxenxo SL de data 05 de maio de 2023:

Sometido este punto a votación, isto é, que **en base os informes xurídicos, técnicos e contando coa fiscalización favorable da Intervención Xeral do Concello, á vista da valoración de ofertas presentadas e da puntuación acadada, se RESOLVE ADXUDICAR A ORGANIZACIÓN, XESTIÓN E EXPLOTACIÓN DA FEIRA DE ARTESANÍA DA VILA DE PORTONOVO DURANTE A TEMPADA DE VERÁN 2023 CON 3 POSIBLES PRÓRROGAS á ASOCIACIÓN GALEGA DE ARTESANOS, AGA, APROBÁNDOSE O MESMO POR UNANIMIDADE dos asistentes. (VOTOS A FAVOR: Telmo Martín Gonzalez, Marcos Guisasola Padín, María Deza Martínez, Paula Martínez Santos, Juan Deza Otero, Alfonso Martínez Cacheda e M^a del Rosario Afonso Martínez.)**

Asemade **facúltase á Presidencia para emitir, comunicar e publicar a Resolución de adxudicación en favor da Asociación Galega de Artesanos, AGA, así como para emitir, comunicar e publicar a Resolución de outorgamento da autorización administrativa, e que se de traslado das mesmas ao Concello de Sanxenxo aos efectos legalmente oportunos.** A autorización administrativa comprenderá en todo caso o dereito á ocupación do dominio público terrestre (no área delimitada no Anexo I das Bases do concurso e nas condicións que se establecen na autorización outorgada polo Servizo Provincial de Costas de Pontevedra a estes efectos en data 1 de marzo de 2023) e a súa explotación para a organización, xestión e desenvolvemento nesta área da Feira de Artesanía de Portonovo na tempada de verán do ano 2023, nos termos e condicións que se derivan do establecido no Prego de Bases publicado, autorización que se outorgará polo período indicado no propio prego. De maneira excepcional, a data de finalización poida ser ampliada á solicitude da adxudicataria por un período non superior a 5 días hábiles en base a causas técnicas vencelladas ás labores de desmontaxe. Asemade o adxudicatario deberá aboar no marco desta autorización o importe do canon fixado polo Servizo Provincial de Costas de Pontevedra pola ocupación dos terreos de dominio público durante todo o período.

En caso de prórroga para os vindeiros anos, atenderase ás datas fixadas na formalización de prórroga correspondente.



É polo que, esta Presidencia, no uso das súas atribucións, **RESOLVE:**

I. ADXUDICAR A ORGANIZACIÓN, XESTIÓN E EXPLOTACIÓN DA FEIRA DE ARTESANÍA DA VILA DE PORTONOVO DURANTE A TEMPADA DE VERÁN 2023 CON POSIBILIDADE DE PRORROGAS, á ASOCIACIÓN GALEGA DE ARTESANOS, AGA, en base aos informes xurídicos, técnicos e contando coa fiscalización favorable da Intervención Xeral do Concello e á vista da valoración de ofertas presentadas, segundo o aprobado no Consello de Administración de Turismo de Sanxenxo SL por unanimidade dos seus membros en data de 5/05/2023.

Esta adxudicación ven motivada por acadar a ASOCIACIÓN GALEGA DE ARTESANOS a maior puntuación no concurso (64 puntos), tal e como consta no acta da sesión do consello de administración referido:

Vista a aprobación por unanimidade do consello de administración de Turismo de Sanxenxo SL en data 22 de marzo da organización da Feira de Artesanía da Vila de Portonovo durante a tempada de verán 2023 con posibilidade de prórrogas, do prego de bases para o outorgamento da autorización administrativa necesaria para a organización, xestión e explotación da mesma, da orde de publicación das bases na web do Concello de Sanxenxo, así como a delegación nesta Presidencia da tramitación do devandito expediente administrativo ata a súa adxudicación ou non, polo órgano de contratación.

Vista a publicación das bases do concurso na web do Concello de Sanxenxo (www.sanxenxo.es) en data 22 de marzo así como nas súas RRSS, o último día hábil para presentar as instancias foi o 5 de abril engadido, constando como presentadas en prazo, as seguintes entidades segundo a documentación electrónica facilitada a esta Presidencia pola Sede Electrónica do Concello de Sanxenxo:

- ASOCIACION GALEGA DE ARTESANOS, AGA. G15128275

Tal e como se establece na Base 10 do prego e có obxecto de dar continuidade ao procedemento, procedeuse mediante Resolución de Presidencia a dar traslado do contido dos Sobres 1 (arquivos electrónicos) da devandita entidade á asesoría xurídica para a emisión de INFORME XURÍDICO sobre a documentación achegada polos solicitantes, do cumprimento ou non dos requisitos establecidos na Base 6 do prego, de si existían defectos subsanables con indicación dos mesmos, así como si finalmente procedía admitir ou non a quen corresponda. A asesoría xurídica emite informe xurídico favorable.

En data 17 de abril esta Presidencia no uso das súas atribucións e seguindo instrucións do informe xurídico anterior, resolveu ADMITIR no presente procedemento á seguinte entidade: ASOCIACION GALEGA DE ARTESANOS, AGA (G15128275). Asemade, en data 18 de abril notificouse esta Resolución aos interesados a



través da Sede Electrónica do Concello de Sanxenxo, así como foi publicada a mesma na páxina web do Concello tal e como consta nas bases aprobadas no seu día.

Como continuación e segundo consta polo aportado pola Sede Electrónica do Concello de Sanxenxo, apertúrase o resto de documentación (arquivos electrónicos) a valorar pola entidade admitida (ASOCIACION GALEGA DE ARTESANOS, AGA) dándose traslado do contido dos Sobres 2 aos técnicos designados para realizar a valoración segundo os criterios establecidos nas bases, así como para a emisión dos informes técnicos correspondentes. Os técnicos designados a través de Resolución de data 22 de marzo son D. José María Troncoso Viñas, enxeñeiro municipal do Concello de Sanxenxo e Dña. M^a Eugenia Gonzaga Alonso, técnica de cultura do O.A.L. Terra de Sanxenxo.

Do resultado das valoracións emitidas por ámbolos dous, os cales constan detallados nos informes obrantes no expediente e asinados polos técnicos correspondentes (informe de data 20 de abril e informe de data 27 de abril), resultan as seguintes puntuacións:

- ASOCIACION GALEGA DE ARTESANOS, AGA. G15128275

A. Experiencias en organización, xestión e desenvolvemento de Feiras e eventos de artesanía. Criterio valorado cun máximo de 30 puntos.

B. Memoria organizativa e descritiva da actividade a desenvolver no marco da/s autorización/s a outorgar. Criterio valorado cun máximo de 50 puntos.

C. Dispor de páxina web, blog ou perfil social onde se faga referencia expresa á actividade de artesanía e organizacións de eventos de artesanía levada a cabo pola entidade, así como ás actividade e eventos organizados no último ano. Criterio valorado cun máximo de 10 puntos.

Puntuación emitida polos técnicos nos informes (sumatorios) asinados e obrantes no expediente:

A. 20 puntos.

B. 34 puntos.

C. 10 puntos.

Puntuación total: 64 puntos.

A INTERVENCIÓN XERAL DO CONCELLO DE SANXENXO emite fiscalización favorable á adxudicación en data 04/05/2023.

1ª ASOCIACIÓN GALEGA DE ARTESANOS, AGA. G15128275 64 puntos.

II. EMITIR RESOLUCIÓN DE OUTORGAMENTO DA AUTORIZACIÓN ADMINISTRATIVA á devandita adxudicataria ASOCIACIÓN GALEGA DE ARTESANOS coas consideracións aprobadas polo Consello de Administración e que se dé traslado da mesma ao Concello de Sanxenxo aos efectos legalmente oportunos.



III. NOTIFICAR A PRESENTE RESOLUCIÓN DE ADXUDICACIÓN, ASÍ COMO A AUTORIZACIÓN ADMINISTRATIVA QUE SE EMITA AOS SOLICITANTES, debendo ser publicadas ámbalas dúas na páxina web do Concello de Sanxenxo.

En Sanxenxo a 05 de maio de 2023, asinado electrónicamente pola Alcaldía-Presidencia.

“A presente Resolución pon fin a vía administrativo ao amparo do disposto no artigo 114 de la Lei 39/2015, do 1 de outubro, de Procedemento Administrativo Común das Administracións Públicas, polo que poderase interpoñer recurso potestativo de reposición ante este órgano de acordo cos artigos 123 e 124 da Lei 39/2015 do 1 de outubro, de Procedemento Administrativo Común das Administracións Públicas no prazo de un mes dende a notificación desta Resolución.

Alternativamente, poderase interpoñer directamente recurso contencioso-administrativo perante os Xulgados do Contencioso-Administrativo no prazo de 2 meses contados dende o día seguinte a notificación da Resolución, de acordo co disposto na Lei 29/1998, de 13 de xullo, reguladora da Xurisdición Contencioso-administrativa”

